

ABWASCH

mit Klaus Wührl



Namensrechte

Wie immer will die treusorgende Marie mit einem liebevoll gebrüllten „Gerch, dei Kaffee is ferdich!“ ihren Gemahl zum Frühstück rufen. Doch anstatt seines üblichen gebrummelten „lech kumm glei!“ entgegnet Gerch heute mit schneidender Stimme: „Halt! Dass’d mer du fei nie wieder ohne Erlaubnis „Gerch“ sagst. Sonst kriegst a kostenpflichtige Abmahnung!“ Auch wenn sie nicht versteht, wovon ihr Mann spricht, bleibt Marie gelassen. Hat sie doch in all den gemeinsamen Jahren mancherlei Skurriles mit ihrem Gerch erlebt. „Wos spinnst heit wieda?“ „Gor nix spinni! Des ist Big Bissness! Iech hob etzat die GB Medien GmbH gegründet!“ „Wos?“ „Die Gerch Bayreuth Medien GmbH. Domit vermarkt iech mich dodal. Und wenn aaner kummt und will ‘Gerch’ sogn, dann muss er a Lizenzgebühr an mich zohn oder er kriegt a Abmahnung!“ „So ein Schmarrn!“ „Des is gor kaa Schmarrn. Bei die Werdshaiser machen sas genauso. Und sogar die Wagners am Hügel hom a Medien GmbH!“ „Wos die aa? Derf ich etzat nimmer ‘Wagner’ sogn, ohne dass ich dafier zohl?“ „Du derfst des scho noch sogn. Ower drom am Hiechel, do hot bal kaaner mehr wos zon sogn.“ „Ower wenn dann a annera wie die Katharina Festspielleiter wern soll, hot der dann aa nix mehr zon sogn?“ „Genau!“ „Dann is ja des a Sautrick vo dera Katharina!“ „Kaa Sautrick – ‚Nibelungenränke‘ haaßt sowos do drom.“ „Und merkt der Stiftungsrat des ewa net?“ „Wos waas denn iech. Vielleicht derfn die ihr Hirn net eischaltn, weil a annera die Rechte dro hodd...“

Eine angenehme Woche wünscht Ihnen
Ihr Hausmann

A handwritten signature in blue ink, appearing to read 'Klaus Wührl'. The signature is fluid and cursive, written over the printed name 'Ihr Hausmann'.